

ac viam veritatis deserant, rursus *renovare ad pœnitentiam*, eos inprimis *qui crucifigunt sibi ipsis Filium Dei, cumque ignominia exponunt.*

Unde *causa* hujus mei propositi, quare jam illa fundamenta prima e. g. de pœnitentia &c. impræsentiarum non exponam, satis claret. Quæ res enim non tantum frustranea est, sed etiam *plane impossibilis*, illa frustra *tentatur*. At ex vobis illos, qui ita in pristinam incredulitatem prolabantur, ut sibi ipsis denuo Christum crucifigant, h. e. Christum negent verum Messiam fuisse, adeoque pro peccatis suis satisfecisse, renovare velle ad pœnitentiam, proponendo fundamenta veræ pœnitentiæ & fidei in Deum, doctrinamque de Baptismo &c. id verò frustraneum est, adeoque impossibile. Ergo frustra hoc tentarem, & per consequens melius facio, quod ad ἀκμήν fidei vobis inculcandam pergam. *Minorem, quare impossibile sit, tales prolapsos illuminatos renovare ad pœnitentiam, Paulus edisserit hoc Profyllogismo: Quicumque Filium Dei sibi ipsi denuo crucifigit, & ignominia exponit, is utique ad pœnitentiam renovari non potest; Ratio hæc est, quia is evertit fundamentum omnis pœnitentiæ ac fidei in Christum, extra quem nulla est salus. Christum enim per se ipsum (seipso vel quantum in se est, per suam incredulitatem, vel apud se ipsum, i. e. in corde suo, per se ipsum, bey / oder mit sich selbst) denuo crucifigere, & contumelia profæqui, nihil aliud est, quam Christi meritum ejusque sufficientiam negare, imo negare Christum pro se ipso mortuum & crucifixum, adeoque idem facere pertinaci sua incredulitate, ac si denuo Christum crucifixum & denuo ignominia expositum vellent: imo illi ipsi perverfi homines sibi denuo crucifigere atque ignominiose tractare Christum videntur ἑαυτοῖς (si est Dativus, abundat, vel emphasin notat, ut apud Latinos: suo sibi gladio aliquem perimere; sin Ablativus, notatur medium, per quod crucifigunt se ipsis,) cum illuminati antea Spiritu S. deque virtute passionum, quæ sunt in Christo firmiter edocti, illam sufficere omnium hominum peccatis delendis, nihilominus postea eo incredulitatis prolabantur, ut eum, per quem redempti sunt, negent, quid est Christum ἀνασταυρῆν καὶ παρὰ δειγματίζουσαι, si hoc nõ est? est enim est hæc locutio hyperbolica, vel etiã similitudo, & sensus est: Christum summa quã fieri potest injuria, sua incredulitate afficere, idemque facere, ac si ipsum denuo cruci affigerent, quamvis hoc in æternum fieri non possit. Rom. 6, 9, 10. imo crucifixori-*

fixori-